



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCLXXII. ad annum DCCCCIX.

**Parisiis, 1644**

Epistola CCCXIX. Ioannis Papae VIII. Ad Vniversos Gallos Et Germanos. De  
damnatione Formosi episcopi, Gregorii nomenclatoris, & aliorum, qui  
Romae in Synodo fuerant excommunicati.

**urn:nbn:de:hbz:466:1-15967**

iam dicto imperatore carissimo filio nostro perfecte stare fatagite. Quia si cum praefato rege Hludouico, vel aliquo filiorum eius, ad scandalum & regni perturbationem manere, aut eis aliquod adiutorium modo quolibet praebere tentaueritis, & non potius ad eumdem dilectum filium nostrum Cæfarem Augustum certissime redieritis, atque cum eo aduersus eius inimicos viribus totis fideliter non steteritis, scitote vos per auctoritatis nostræ legatos anathematis submittendos. Praesentes autem missos nostros, Ioannem videlicet & Ioannem venerabiles episcopos, dilectosque familiares nostros, benigne admittite, iniunctam sibi legationem intelligenter audite, & efficaciter obaudite. ut in hoc quam vere sitis filii pacis cunctis detur intelligi, & neminem possit latere mortalium. Pro Christo enim, qui est pax nostra, legatione funguntur, cum procul dubio a se de apostolica pro pace mittuntur. Optamus vos in Christo nunc & semper bene valere. Recitata in Synodo Pontigenensi.

NOTA IACOBI SIRMONDI  
SOCIETATIS IESV.

*[Relatione vera.]* Eorum qui tunc a Carolo descivere princeps fuit, Aimoino teste, Ingelramnus nuper camerarius, regique intimus, nunc Ludouico Germaniae regi auctor fraterni regni inuadendi. De his ergo Aimoinus idem lib. v. cap. xxxii. *Ad obſtendum, inquit, Ludouico primores regni Caroli, iubente Richilde regina, sacramento ſe conſirmauerunt, quod non feruauerunt: sed ex ſua parte regnum Caroli pefſum dantes hoſtili more deuauere.* Similiter & Ludouicus cum ſuo exercitu idem regnum pefſum dedit.

## EPISTOLA CCCXIX.

## IOANNIS PAPÆ VIII.

## AD VNIVERSOS GALLOS ET GERMANOS.

De damnatione Formosi episcopi, Gregorii nomenclatoris, & aliorum, qui Romæ in Synodo fuerant excommunicati.

*Ioannes episcopus seruus seruorum Dei reverentissimus & sanctissimus confratribus nostris, archiepiscopis, episcopis, abbatibus, sacerdotibus, cunctisque iudicibus, & uniuerso populo, per omnes Gallias & Germanias constitutus.*

**Z**ELO Christianæ religionis ecclesia Dei quæ penes nos est, instinctuque dilecti filii nostri serenissimi impera-

toris, imo spiramine Spiritus sancti commonita, pro diuersis ecclesiæ Dei referendis incommodis, contra Gregorium nomenculatorem, & Georgium generum eius, duo scilicet iniquitatis vasa contra excelsi Dei religionem pugnantia, tam præterito mense Februario præsentis nonæ inductionis, per Petrum venerabilem Forosempriatatem episcopum penes præfatum spiritalem filium lacrymabilem suggestionem deposituit; quam nostram quoque pontificalem suggestionem pridie Kalendas Aprilis die contra eosdem per semetipsam offerre curauit. Quapropter nos per Zachariam & Gaidericum venerabiles episcopos, & Christophorum sedis apostolicæ primicerium, eis suggestionum contestationem emisimus, admonentes atque iubentes, ut si aliquid de conscientiæ suæ puritate confiderent, ad conditum venire studerent examen. At illi molibus sermonibus, & exquisitis adinventionibus, se quidem venturos, & ad voluntatem nostram cuncta se emendaturos dixerunt: sed de die in diem sub obtentu ægritudinis tamdiu iudicii diem distulerunt, donec aut nos cum fidelibus ecclesiæ Dei potuissent perimere, aut Sarracenos, quos iam per suos familiarissimos æque Sarracenos inuitauerant, in Romanam urbem ad perditionem omnium intronittere valuerint. Cumque nos contra utramque fraudem iuuante Domino præparatos vidissent, & imminere sibi iudicii statutum diem cognoscerent, decepti se cum quibusdam suis complicibus, videlicet Formoso episcopo, Stephano secundicerio, & Sergio magistro militum, & Constantino nomenculatoris filio, quos non nostræ conventionis iudicium, sed reatus propriæ conscientiæ stimulabat, contra salutem reipublicæ & regni dilecti filii nostri Caroli serenissimi principis, cui semper infideles fuerunt, & cuius provectioni semper detraxerunt, conspirantes, nescimus quo profecturi, noctis silentio cum adulteris clauibus portas Vrbis, quæ vocatur sancti Pancratii, aperuerunt, & cum suis complicibus, cumque omnibus thesauris sanctæ Dei ecclesiæ, Sarracenis vndeque populantibus, diffugerunt: portasque patentes relinquentes, multis margaritis fugiendi, & Sarracenis ingrediendi aditum, nisi nos diuina custodia tueretur, procul dubio reliquerunt. Itaque obstupescentes in talibus, Dominicum & Gri-

moldum venerabiles episcopos ad euocandum eos direxi-  
mus. Qui reuertentes nuntiauerunt sibi a satellitibus suis  
fuisse responsum, nescire se quoniam profecti fuissent. Iu-  
dicio sane in diem alterum protelato, cum eos iterum  
synodice simulque & legaliter quereremus, & habere mi-  
nime valeremus, cum omni Dei ecclesia in basilica sanctæ  
Dei genitricis, quæ Ad martyres vocatur, Synodum voca-  
uimus. & post regulares allocutiones, sententias in eos pro-  
tulimus, quarum exempla secundum ecclesiasticum mo-  
rem generalitati vestræ direximus, ne vobis communican-  
di cum eis occasionis aditus tribuatur. Quæ scilicet senten-  
tia ita se habet: Formosum Portuensem episcopum, quia  
beatæ memorie domino prædecessore nostro papa Nico-  
lao in Bulgarorum patriam destinatus, nouiter in Chri-  
sto regenerati regis animos adeo suis calliditatibus vitia-  
uit, ut terribilibus sacramentis eum sibi obstrinxisse testa-  
tus sit, ne se viuo quemlibet episcopum a sede apostolica  
suscepisset, seque eidem terribilibus nihilo minus iura-  
mentis, ut ad eum quantocius reuerti debuisset, obstric-  
tum fuisse professus sit, qui que a nobis proficisci illuc  
licentiam, literas, & necessaria adiutoria impetravit: quo-  
niam iam dudum per ambitionem a minori ecclesia in ma-  
iore, videlicet sanctam sedem apostolicam, profilire  
conatus, plurimos sibi consolatores effecit, & nunc per  
repertam hypocrisin retrorsum rediens, sine licentia vel  
conscientia nostra, propriam parœciā deseruit, Vrbe dis-  
cessit, & contra salutem reipublicæ dilectique filii nostri  
Caroli a nobis electi & ordinati principis, cum suis fautori-  
bus conspirauit: nisi amodo intra diem decimum, id est III.  
Kalendas Maii præsentis nonæ indictionis, præsentiam  
suam nobis satisfaciendo monstrauerit, auctoritate Dei  
omnipotentis, sanctorumque apostolorum principum Pe-  
tri & Pauli, omni ecclesiastica communione priuatum es-  
se decernimus. Decernitis & vos ita? Responderunt om-  
nes: Decernimus. & nisi post diem decimumquintum, id  
est IV. Nonas Maii præsentis IX. indictionis, resipiscens sa-  
tis facturus nobis occurrerit, auctoritate & iudicio sancti  
Spiritus qui semper effugiet factum, omni sacerdotali mi-  
nisterio penitus denudatum fore iudicamus. Iudicatis &  
vos ita? Responderunt omnes: Iudicamus. Qui si nec huius  
dila-

dilationis miseratione commotus, humiliter se post diem xx. id est v. i. Idus eiusdem Maii mensis, præsentia nostræ reddiderit, vel si viris potentibus sociatus seditiones vel factiones concitauerit, vel si in ecclesia Dei in aliquo conturbare præsumperit, si contra hanc communem omnium nostrum fententiam agere vel resultare tentauerit, anathema sit a Patre, & Filio, & Spiritu sancto, nunquamque in illa Synodo recuperationis spem, aut satisfactionis aditum sibi nouerit referuatum. Gregorium nomenclatorem, Theophylacti quondam nomenclatoris filium, qui iuriurandum fidei suæ diuerso modo corrupens, puritatem sanctæ Dei ecclesiæ suis fraudulentiis, avaritiis, rapinis, cupiditatibus, simulque calliditatibus, per octo ferme annorum curricula maculans, summum Romanæ vrbis pontificium, coniurantibus sibi dudum suis complicibus, factiose præripere affectauit; & de multis palam recitatis capitulis, tam primo penes dilectum filium nostrum Carolum serenissimum imperatorem quam postea penes nos ad generalitatem sanctæ Dei ecclesiæ, per nonnulla suggestionum capitula noxiis diffamatur, & pro eisdem criminibus a nobis per Zachariam & Gaudericum venerabiles episcopos, & Christophorum primicerium sanctæ sedis apostolicae, cum fratre & genero, suisque complicibus, iuridice contestatus, examini se præsentandum fore, & cuncta, quæ ecclesiis, vel piis locis, aliisque hominibus abstulerat, sub iurisurandi interpositione restituturum promisit: deinde conuentum nostrum de die in diem fraudulenter, (vsquequo nos vel fideles huius ecclesiæ interimere, vel hostes Christiani nominis, id est, Saracenos, quos per suos familiarissimos Saracenos, iam invitauerat, intra Romanam urbem introducere potuisset,) elusit: & præfinitum diem, quo canonice siue legaliter audi debuisse, fraudulenter præripiens, cum Georgio & Sergio magistris militum, nec non & Stephano secundario, aliisque suis complicibus, nocturno silentio portas huius sacrae vrbis, Saracenis circumquaque imminentibus, cum clauibus adulterinis aperuit, seque contra salutem reipublicæ simulque quietem imperii præfati filii nostri serenissimi Augusti, contra leges conspirando, fraudulenter proripuit, & cum omnibus pene thesauris ecclesiæ Romanae.

Concil. Tom. 24.

B b b

næ , dubium quo profecturus excessit. Simulque Stephanum secundicerium , qui diuersas ecclesias spoliens per avaritiam , turpisque lucri compendia , tributa vetera multiplicauit , & in omnibus peruersitatibus superius nominatis fratri complex & consentaneus extitit. Necnon & Georgium Gregorii primicerii filium , qui germani proprii concubinam subripiens , eum veneno necauit : deinde post execrables Christianis incestus , viuente nepte sanctissimæ recordationis Benedicti papæ , cuius opibus de paupertate surrexerat , præfati nomenculatoris Gregorii filiæ se fornicario more commiscauit. propter quam pene publice iam dictam legitimam vxorem peremisit. De cuius homicidio , a principibus adulterinos missos eruens , adiudicante conscio socero nefandus gener impunitus exiliit. Quique post diuersa homicidia , deprædationis & malignitatis genera , tam patriarchium , quam vestiarium sedis apostolicæ sibi commissum , non tantum auro , argento , vel palliis , verum etiam æreis signis , vasisque priuauit : & in omnibus impietatibus sacerorum sequens , imo præueniens , Saracenis vndique saeuientibus , portas urbis cum eo fraudulenter aperuit , & cum sibi conspirantibus contra salutem reipublicæ demigravit. Simulque Sergium magistrum militum , Theodori magistri militum filium , qui reuerenda memoria domno Nicolao , cuius neptem in coniugium suscipiens , ita ingratus ac inhumanus extiterat , vt viuente eo , & in extremis posito , eidem thesauros suos ad elemosynas faciendum cum præfatis suis complicibus abnegasset. Quique eadem sua coniuge , propter quam de maxima paupertate conualuerat , derelicta , cum Valuifindula concubina , præstito iureiurando vt eam nuptialiter sumeret , nuper effugit , & in omnibus iniuriantibus cum nominatis suis complicibus conspirauit . Sed & Constantinam præfati Gregorii nomenculatoris filiam , quæ primo per consensum patris , sub conditione iuris iurandi , legaliter Cessario Pipini potentissimi vestararii filio copulata , dein consumptis omnibus saceri sui diuitiis , viuentem & valentem sponsum suum sine villa legali disquisitione deseruit , & ad Gratiani Gregorii magistri militum filii nuptias publice conuolauit : postremum cum alio fugere gestiens incestum commisit , ex quo prægnans in-

uenta prædictum Gratianum Gregorii filium maritum suum relinquens, cum rapacibus, periuris, sacrilegis, mœchis, fornicatoribus turpiter fornicatura discessit. Niſi intra diem decimum, id est 111. Kalendas Maii præsentis nonæ indictionis, præsentiam suam nobis præfati, videlicet Gregorius, Stephanus, Georgius, & Sergius, simulque Constantina, congrue satisfacientes exhibuerint, auctoritate Dei omnipotentis, sanctorumque apostolorum principum Petri & Pauli, omni Christiana communione priuatos, cum omnibus communicatoribus & fautoribus suis permanere decernimus. Et niſi post diem quintumdecimum, id est iv. Nonas Maii iam dictæ præsentis indictionis, simpliciter & humiliter nobis, imo ecclesiæ Dei, ſæpediēti ſcilicet Gregorius, Stephanus, Georgius, Sergius, & Constantina, purificaturi occurrerint, eos auctoritate & iudicio S. Spiritus, cum cunctis ſibi communicantibus, perpetuo anathemate condemnamus. Hivero qui ab omniſe societate remouentes ad vnitatem sanctæ apostolicæ ſedis redierint, communionis & benedictionis noſtræ gratiam ſibi reddendam eſſe confidant. His itaque auctoritate sancti Spiritus promulgatis, omnium vestrū generalitatē his apostolicis literis exhortamur, ut has litteras per omnes dioceſes vestrās publice relegentes, & ad vicinas paroecias dirigentes, præfatorum depositorum, excommunicatorum, & anathematizatorum consortia, quaſi venenum pestiferum declinetis: neque cum eis communicantibus in cibo, potu, ſiue colloquio communicetis. ſcientes eum qui eis, ſiue communicantibus eis, ſe in oratione, cibo, potu, colloquioque miſcuerit, eadem excommunicationis & anathematis censura iuxta canonicum capitulum modis omnibus obligatum, nunquamque a nobis ſine digna ſatisfactionis pœnitentia ſibi fore communicaendum. Optamus sanctitatem vestrām in Christo nunc & ſemper bene valere. Data xi. Kalendas Maii. Recitata in Synodo Pontigonensi.